



20. august 2020

SIUMUT
INATSISARTUT

UKA2020/112

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

Illup sananeqarneranut akiusup minnerpaaffissaata¹ inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinneqarnissaanut periarfissat misisoqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuunikut ineqarnermut akiliutip, illup sananeqarneranut akiusup, piginnittut aningaaasaliissutinit iluanaarutissaasa aammalu ineqarnermut tapiissutit allangornerisa imminut ataqatigiinnerat paasinarsisinneqassapput kiisalu aserfallatsaaliinissamut pilersaarutit attatiinnarneqarnissaat isiginiarneqassalluni. Kiisalu illup illuutit aserfallassimasut sananeqarneranni naliusup ingerlaavartumik nalikillilerneqartarnerani pitsaaqutit ajoqutillu misissuunikut qulaajarneqassapput. Misissuinerup inernerri Inatsisartunut kingusinnerpaamik UKA 2021-mi agguaanneqassapput.

(Inatsisartunut ilaasortaq Erik Jensen, Siumut)

Tunngavilersuut:

Inissiat pisooqaqisut ukiorpssuarnilu nutarterneqarsimanatik attartortinneqartuartut attartornermut akiisa qaffasippallaarnerat arajutsisimanngilarput. Taamaattumik imminut aperisimavunga, qanoq iliorluni inissiat pisortat attartortitagaasa attartornerinut akiisa qanoq ililluni annikilliinnejarsinnaanersut.

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi § 31 imm. 2-mi allaqqavoq ullumikkut km² aki minnerpaaffissaq kr. 7.000,-issusasoq. Inatsimmiilu tassani minnerpaaffissap km²-imut kr. 3.500,-imut appatinneqarneqatigut inissiat nutaanngitsut tassaanerusut qanga naalagaaffimmuit kingornunneqarsimasut, akii appatinneqarnissaat naatsorsuutigisariaqassaaq. Tassami inissiat taakku tassaammata ullumikkut naleerutsinneqarlutik inissismasut, kisiannili inatsisitigut minnerpaaffissaliinikkut akitigut apparsaaffigineqarsinnaanngitsut. Inatsisip allanngortinneqarneratigut ineqarnermut akit naatsorsorneqartarnerat nutaamik suliarineqassaaq, qularutissaanngitsumillu inissiani nutaanngitsuni ineqarnermut akit appatinneqarnerinik kinguneqassalluni. Kiisalu aamma § 32 imm. 8²-p peerneqarnissaa periarfissaasunut ilaasortaaq oqaatigissavara. Taannami uanga

¹ Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq

² Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut peqqussutaat nr. 14, 20. november 2006-imeersoq (Inissiamik tigusinissamut ukiuni arfineq marlunni najugaqarsimasussaatitaaneq pillugu maleruagassanik allannguineq, inissiat piginneqatigiilluni inissianut imaluunniit inissianut nammineq pigisanut allanngortinneqarnerini attartortuni sinneruttut inatsisitigut inissismanerat pillugu aalajangersakkat, ineqarnermut maalaaruteqartarfiup piginnaatitaaffiinik erseqqissaaneq kiisalu aalajangersakkani ataasiakaani teknikkukkut allannguutit.)

isumanni tassaammat "ersinngitsumik" ineqarnermut akileraarut peerneqartariaqartoq. Taannalu piumasaqaat peerneqarpat ineqarnermut akit suli aamma appaqqinnerularnerinik kinguneqassaluni.

Eqqortuusinnaanngilarmi Namminersorlutik Oqartussat inissiaataasa soorlu ilaatigut najugaqarfinni taakkartukkanni ilaatigut ineqarnermut qaammammut kr. 7 - 8.000,- angullugit, ukiorpassuani akeqartinneqarnerat, illuatungaanilu aserfallatsaaliorneqarnerat pitsangorsarneqartarnerallu tamakkiisumik suliarineqassanani.

Aammattaaq politikkikut anguniagaajuartarpoq innuttaasut amerlanerpaat namminneq pigisaminnik illoqalernissaat. Innuttaasulli illutaarnissamimmuit ileqqaarilersinnaanngussappata, isumaqarpunga ineqarnermut akit appaaffigineqartariaqartut taamaasilluni innuttaasut kaasarfii imaqarnerulersinneqartariaqartut. Tassa aningaasaliissutit iluanaarutaat piginnittunut utertinneqartartup (kapitalafkastip) apparinneqarneratigut ineqarnermut akiliutit apparinneqarsinnaapput. Inissiammi nutaanngiliartornerat malillugu akit aamma nalimmassarneqartariaqarput. Inissiat naalagaaffiminngaanniik kingornussimasat ullumikkut aserfallassimaqisut Namminersorlutik Oqartussat inissiaataat ullumikkumut nalequnnerusunngorlugit akilersorneqarnissaat pisariaqalerpoq.

Inissiani pisortat attartortittagaanni najugaqartut malunnaatilimmik inissiamik attartornerminnik akiliutigisartagaat appartissinnaavarput. Appartikkutsigulu attartortut aningaasateqarnerulaaler-nissaat angusinnaassallutigut. Attartortut nammineq inissiamik pisinissaminnut katersinissaminnut perifissaqarnerulaalissapput imaluunniit allanut pisariaqartitaminnut aningaasassaqarnerulaalissallutik.

Erseqqissaatigissavaralu inissianik attartortittakkanik piginnitut assigiinngitsuusarmata. Tassa ilaat kommuniniit piginetarput aammalu akisussaaffigineqartut. Taamaattumik uani inatsimmi Namminersorlutik Oqartussat inissiaataannut nutaannginnerusuni najugalinnut, naalagaaffimmiit tiguneqarsimasunut annerusumik sunniuteqartussaalluni.

Siunnersuutip aningaasatigut allaffissornikkullu pisortanut kinguneqaatissai
Misissuinissap annertussusaa misingersorneqarpoq AC ataaseq ukioq ataaseq atorneqassasoq tamannalu 500.000 kr. missaanni naleqarpoq. Innersunneqarsinnaanngilaq paasissutissanik aallernissamut atorfissaqartitsisoqassasoq.

Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai

Soqanngilaq

Siunnersuutip innuttaasunut allaffissornikkut aningaasatigullu kinguneqaatissai
Soaqanngilaq